

بو قدر صحتي بر قانون اوله ماز . نو آيت كريمه ايله « المعدة بيت الداء والحمية رأس الدواء واعط كل بدن ماعودته » حديث شريف طيبك خلاصه سيدر . نتهكيم هارون الرشيد زمانده يتيشن غير مسلم بر طبيب « مسلمانلق جالينوسه بر ايش بر اقامش ! » ديمشدر .

محمد عاكف

بسم الله الرحمن الرحيم

« قد نرى تقاب وجهك في السماء فلنولينك قبلة ترضاها فول وجهك شطر المسجد الحرام ... »

ترجمه مال منيفي

« اي نبى اجل ! اميد نزول وحى منزله صيق صيق مبارك يوزكى سمت سمايه ، بارگاه اجتمزه چورمكده اولديغكى - شهبه سزدر كه - كوريور و آرزوى وطن پرورانه كى بيلوريز . دعاك نزد الوهيتمزده مستجابدر . شان عظمت وكبريامزه قسم ايدرز ، كه سنى مشتاق ومتحسر اولديغك قبله ابراهيمه ، بيت مطهر ومطر مزه چوريه جكر . مستريح اول ! هايدى كوشن جالكي مسجد حرام جهته چور ! »

سلطان اقليم نبوت وخاتم باب رسالت « عليه الصلاة والسلام » افنديمز حضرتلى قبل الهجره « قرة عين » لرى اولان فريضة مقدسه صلاتى قدس شريفده مسجد اقصايه متوجهاً ادايه مأمورايديلر . مدينه منوره يي قدوم رسالت پناهيلريه مغبوط بلاد وامصار بويوردقدن صوكراده اون آلتى آى قادار صخرة الله دوغرو نماز قيلديلر . بوتوجه سفهاء يهود ايچين باعث غرور و افتخار اوليوردي . ديورلردى ، كه : « ايشته نبوت دعواسنده بولونان ذات « صلح » بزم قبله مزه دوغرى نماز قيليور وديمرك رجحان فضيلتى فعلاً تصديق ايتمش اوليور . » بو حقتز ادا بالطنع قلب همايون رسالت پناه يي رحيمده ايتمكدن خالى دكلدى . ذاتاً حب وطنله بطحايه وخصوصيله كعبة الله العليايه منجذب اولان او قلب رحمت پناه قبله مك تحويل تمناييله دائماً وحى حقه منتظر بولونيوردي . او كوشن جمال ، صيق صيق سمت سمايه قلب ايديور ، امين الوحيك ، زده اجابتله نزولنى بلكه يوردي . نهايت حضرت جبريل بو آيت جليله اجابتى حامل نازل وكمال بشاشته حضور اقدسه داخل اولدى . قاضى بيشاوى مرحوم ديور كه : « آيت جليله عليه الصلاة والسلام افنديمز حضرتلى بنى سلمه مسجدنده جماعته نماز قيلاركن شرف بخشاى نزول اولدى . نماز ايچنده صخرة اللهدن كعبة عليايه دونديلر . اركك وقادين صفلى بجايش موقع ايتدى . » حاصل : تحول قبله بر حادثة فوق العاده صورتنده وقوعبولدى . حتى - امام بخارى حضرتلىنك قرآن ثانى اولان صحيحنده مضبوط

اولدينى وجهله - اوصلاة القبليتنده حاضر بولونمش اولان صحابه كزيندن (عباد بن بشر) حضرتلى ايرتهسى صباح وقتى مسجد قبايه اوغرايدى . بو حادثة تحولدن خبرى اولميان قباها اليه سنك قبله منسوخته يه دوغرى نماز قيلمقده اولدقلىنى كورونجه يوكسك سسله كيفيتى اخبار ايتدى . اولرده نماز ايچنده مسجد الحرامه دونديلر .

ايشته مدينه منوره خارجنده (قبلتين) عنوان مفخرتيله مشار بالبنان اولان اومقدس سجده كاه بنى سلمه قبيله سنك مسجدى ايدى . ايشته سزه سلطان سرر لولاك « عايه الصلاة والسلام » افنديمز حضرتلىنك حب الوطن تجليات قدسيه سندن بر صفحه لاهوتى ! بوتون مفسرلرك « حسرت واشتياق » ايله تفسيرده متفق بولوندىلر « ترضاها » نظم جليلى وطن محبتنده لاهوتيتك ناسوتيته نه قادر ملتفت اولديغنه ، بومحبويتله ناسوتيتك فخر ومباهاته به درجه ا كتساب حق ايتديكنه پارلاق بر دليلدر .

ولى النعمت جهان انسانيت و اسلاميت « عليه الصلاة والسلام » افنديمز حضرتلى « نك لطفاً مشمول نظر محبتلى اولان كعبة عليا وكذا روضة مطهره ومطره لرى بزم ايچين ندر ؟ برى ايمان قادر معزز ، ديكرى قرآن قادر مقدس ! وطن اسلامك ، حقيقتنده شهنشاهى او ! ملت خيفك افنديسى ، ولى النعمت يكانهسى او ! وطن اسلام ، حرمين محترمين ك سور شوكت واجلالى ! بيكلرله مساجد الهيئه نك ، بيكلرله جوامع شريفه نك محرابلى زده متوجه ؟ مسلمان ايسه ك وطنمزي دينر ، ايمانز قادر سهوهم ! كعبة العليا نك ، روضة مطهره رسول كبريانك سور شوكت واجلالى محافظه اوغرنده برجان ، بروجود اولديغمز حالده بلاتردد فداى جان ومال ايدم ! زيرا اوسور چيكنه نيرسه ! م . فخر الدين

مدافعات دينيه

تعلم نبى ادعاسنه رديه

مناسبيله

سياسيات واخلاقدن مثال اتيانه احتياج كورولمز ايسه ده - چونكه هر هفته سبيل الرشادك ايلك مقاله سنى تشكيل ايدن تفسير شريفى او قومق كفايت ايدر - ينه بر مثال ايراد ايدم :

جناب پيغمبر صلى الله عليه وسلم افنديمز حضرتلى بر حديث شريفده « كانكوتون يولى عليكم » بيورمشدر . سز ناصل اولور - سه كز اويله جه تولى واداره اولونورسكز ؛ يعنى سزه كوره حكوم - مت مأمورلى ، واليلر ، اداره مأمورلى بولونور ؛ اولر ، سزك باشكزه كجر ، سزى اداره ايدرلر . قصورى هب كنديكزده آرايكز ... سياسياتده نه مهم بر دستور حكمت اولان شو حديث شريفك ،

قطع النظر، جناب مرتضی کرم الله وجهه شوجه و جیزه حکمیه ایله شومعهاده ناطقه زیب کال اولمشار، یاخود محققین اسلافدن فخر رازی شویله دیش، امام غزالی شویوله معقول بردستور درمیان ایله مش، دیه آنلره مقابل عربجه سویله نلش بعض جمل متنبه درمیان اولونسه، یاخود ماللری ترجمه ایدلسه، مادام که کلامک اصلی برمسلمه اسناد اولونیور، هرندن ایسه مهمل ومعاسر عد اولونارق آرتق اوسوزک اومقوله لک سمع قبولنده یری، دقت وعبرته دکری قالماز. حقسن بر سوءظن!

انجق فرهدریق ایله امثالک برجهله حکمیه سی ویا مونته سکیونک اداره، حقوقه متعلق بردستوری بونک خلافته در. انلر اجله مجربیندن واعظم محققیندن عد اولوندقلری ایچون سوزلری فنی بردستور قوتنده تلقی اولونور.

فقیر مقدمه معروضه ایله وجودندن شکایت ایتک ایسته دیکم جار بقلغک باشلوجه ایکی سیددن نشأت ایتش اولدیننی ظن ایدیورم: آنک بریسی اقبال وادبار کی اقوامه عارض اولان علل و قیقه وزمانیه دن نوبت ادبارک بزده بولونمسی، ایکنجیسی دیاته خدمت قصدیه بعض صاف نهاد اصحاب غلو و افراطک محققین اسلامیه میانسه صوقولارق بلا محاکمه بیلمیه رک سوزده و کتاب تألیفه قارشماسیدر. بویکنجی صورته کوره ناقد بصیر اولورسه تمیز حال قابلد.

شامت ادباره طوتولمش اولانلرک قولی سرپا حکمتی ده متضمن اولسه منظور نظر التفات اولاماز.

لکن قوت و اقبال اصحابه مستند برینک تصوراتی برازعله ملایم ومنطقه موافق بولونسه، درحال لزومندن زیاده آلفیشلرله قبول وتصدیق اولونمق و دکرندن چوق فضله قیمت ویریلوب محفل کزدیریلرک او قوینک علو قدری برقات دها تشهیر ایدلمک، طبیعت بشریه نک محبول اولدیننی عجائب اطوار جمله سننددر.

مدققین علمای اسلامیه دن برفاضله منسوب بردستور حکمتک براجنی حکیمه نسبت ایدلدیکی، ومالی آیات قرآنییه واحادیث نبویه ده موجودویا آنلردن مقتبس نیجه جمل حکمیه به کوز بومولوب، وولترک وامثالک سوزلرینه، ینه مسلمانلر محافلنده استشهاد ایدلمک ایسته نیلدیکی کرار آکوروولمش شیلردندر.

از جمله مونته سکیونک روح القوانین اسمنده کی کتابنده «هر قوم لایق اولدیننی حکومتی بولور.» مألنده سویله مش اولدیننی رسوز، کویا دنیاده امثالنه دسترس اولونمسی غیر قابل بردستور مهم عد اولونارق اوروپالیلردن قطع نظر، معرض تحسین واستشهادده مسلمانلریمز عندنده دخی مجلس مجلس نقل اولونورده بوجهله اصولیه نک دها بیک قات فوقنده پارلاق ومعنیدار برتعییر ایله ایرادیوریلان (کجا تکنون بولی علیکم) «یعنی بولوندیغکز حاله کوره تولی واداره اولونورسکز» حدیث شریفی قاله بیله آلمانز، وبوماله یاقین اولان (ان الله لا یغیر ما بقوم حتی یغیروا ما بانفسهم) یعنی «قوم نفسلرینی تغیر ایتمه نیجه الله

غریبدرکه بر چوقلرمزک نظرنده، بیوکلیکی تجلی ایتمز، اوروپا حکما سندن بری بویله بر سوز سویلرسه، ها! ایشته اوزمان اوسوز حکمت محضه اولور، حرمتله تلقی ایدیلیر.

مثلا بوحدیث شریف ایله مونته سکیونک «هر قوم لایق اولدیننی حکومتی بولور» سوزی آره سنده نه فرق وارد، مونته سکیو، مونته سکیو اولدیننی ایچون سوزی هر مجلسده آلفیشلرله دیکله نیر، اونکله اشهاد اولونور. امامالده بر، بلکه اوندن دهایی برمعنایی مفید اولان بر آیت ویا حدیث قاله بیله آلمانز. بوکی حاللریمز نه قدر تأسف ایتسه کی یری وارد!..

«بیک بر حدیث شریف» صاحبی محمد عارف بک مرحومک بوکی حاللریمز عاند غایت حکیمانه اولان حسب حالی مسئلهیه تعلقی اولدیغندن فائده یی موجب اولاجنی مطالعه سیله عیناً درج ایتکی مناسب کوردم:

«بکرمی اوتوز سنه دنبری عثمانلی ارباب قلمنک اکثریسی امتک لسان اجنبی بیلمه یی قسمنه وولتر، فرهدریق، ژان زاق روصو، مونته سکیو وسائر کی برچوق مشاهیرک بعض انارینی ترجمه ایله بیلدیردیلر. اخوانمک نیتیه قومیزی تنویر ودائرة معلوماتی توسیع اساسنه مستند اولوب حکمتی هر زده کورور ایسه ک المق وظیفه دینه ومدنییه من اقتضاسندن بولوندیننی جهته آنلرک اوبابده کی مساعیدنی خیر ایله یاد ایدرز. لطف ایتدیلر، همت ایتدیلر، برچوق مشاهیر حکما وعلمانک سوزلری ومسلکری ایله ینمزده ده اشتها رینه سبب اولدیلر. البته هر شیک علمی جهانندن اولادر. کثرالله خیرهم.

لکن آنلرک آنارینی اوقویانلرک ایچنده دینمک واسطه تبلیغی وایمان واسلاممک مابه الیانی اولان لغات عربیه یی بیلمه ییلردن [۱] بعضلری، دنیاده هر دورلو معانی حکمیه و مزایای منوره به غرب حکما وفلاسفه نک صدورینی مصدر بیلرک هر فضلی، هر علوی، آنلره تخصیص ایتکه قدر چیقشدقلری جابجا نظر تأسفه کورولمکه باشلادی.

امت اسلامیه افرادندن برعاقلک، برذکی کنجک نظر بصیرتی بودورلو برغلط رؤیتله معلول اولورسه آنک ساحه اعتقاد وافکارنده ناصل مناسبتیمز و مزعج شکوک وتردد وسوءظن دیکنلری بسله نوب کندیسنی راحتیمز ایده جکنی باشندن کچنلر بک اعلی بیله جکلرندن وبابده زیاده سوز یازمغه لزوم یوقدر.

حتی احمد، محمد اسمارنده آملر بیلیرز که احادیث سنیه سیدالبشردن

[۱] ایشته بویلمه منلکدن متولد خطیثاتک متضمن اولدیننی مسئولیتی دخی اصول تحصیلیه منک نقصاتی بیابوده سکوت ایدنلره ویا هیچ بیلمه ییلره حمل ایدرز. زیرا جمله من بر مکتبک محصولی، بر اصول تحصیل پروردگانی یز. بری بریمزی بیلیرز. اکلاماق شرطیه سنه لرله صرف، نحو، منطق، معانی، بیان اوقومشز. عمر عزیزیمز که اهیتلی پارچه سندن ایچه مهم برمدشی او اوغورده فدا وهبا ایدوب کیتیمشز. محصول نه در؟ هیچ! اللهم اصلح حال امة محمد.

اونلری تغیر ایتیز ، بوزماز ، آیت کریمه سی هیچ بخشه قونولماز ، بویله شیار غیرت دینه اولماسه بیله انسانک علو جنبه دو قونور . مجبور تعلیمی اولدیغیمز لسان عربی بیلمدیکمیزک بوبابده دخلی منکر دکلسه ده دها زیاده اوروپا اصول تربیه سنی تقلیداً پرور شیار وجود اولان کنجیله وهله بعض اختیارلره بیلمم نه دیه جکیز ؟ فقیر ظن ایدیورم که بوحالره سبب ، عصر اخیر اعتقاداتندن اولق اوزره دین و دنیا باشقه باشقه طائمش شیار اولق حسیله مسلمانلرجه علمای دیندن عد اولونان ذواته مستند انار محافل و مسامراتمزه یاد اولونمسی ، غرب عادتنه اتبعاعاً عیب و صوئوق دوشه جکی فکرینه ذهاب اولونمقدن نشأت ایدیور ایه ده ، حقیقت حال دوشونولنجه اوروپا لیرجه ایشک اویله اولماسی لازم کلیرسه ده اولزوم بزجه غیر مصدقدر .

چونکه غربیلیرجه دینه و دینک علماسنه متعلق انارک اکثریا منطقله مناسبتی اولمادیغندن انلرک موقع رواجی کلیسالدرد . بزم ایه رسول اکرم و نبی محترم صلی الله تعالی علیه وسلم افندیمرک شریعت غرای احمدیه لرده عقول منوره اصحابنه قارش صاقلی کیزلی برشیئمز اولماق جهتیه کره ارضک هر نقطه سی بزه کوره عبادتخانه در . بز ، دین و دنیای تفریق ایتیز ، بزه دین و ملت ایکسی برشیدر ، بزه ملت دین ایله قائمدر ، دین اولمازسه ملتیه اولماز ، ایشه بو حکمته مبیدرکه اعظم اسلامک اناری نوکسمزی کره کره کمال افتخار ایله هریرده استشهاداً یاد ایتمکدن قورقماز .

برده عزیزم ، شورایی شویله بیلملی بزه : شرق شرقدر ، غرب غربدر . شرق غرب اولماز . غربک اصول و عاداتی شرقه کلز ، بز اونلرک هر اصول مدینتی اختیار ایدرسهک موانع طبیعی من جهتیه کلیاً اونلره منقلب اولمایاجمز و اولورسهک بیله بوم بوزوق بر صورت کسب ایدم جکمز درکادر .

فرض محال اولارق آنلر اولاجمیزی تخیل ایتسهک ، بزم یریمزی کیم طوتاجق ؟ شو عالمده احراز ایتدیکمز بر موقع سیاسی و مدنی نیچون فائب ایدم ؟ آنلر آدم ایه بز نه بز ؟ بززاوله لم ، آنلر آنلر اولسونلر ، بززلکمز دائره سنده کسب کمال و اقتدار ایدم .

نه حاجت ، هر منطقه ارضک نبات و حیوانی کندینه کوره در ، هر برینک طرز پرورش و نمو باشقه در . بریسنده کی دیکرینه اویماز . زور ایله اویدورولانلرده اهل ذوق و وجدان عننده طسادسز ، طوزسز ، ککره مسی برشی اولور . هیچ قانون خلقتک آهنگ طبیعی سندن تقلید ایله قورتولق ممکنمیدر ؟

شو قدرکه زمانه کوره انلرک آفات سماویه و ارضیه دن طرز تحفظیسی و بقای موجودیتلرینک اصول مدافعه و ادامه سی نه ایه ، یالکمز آنک بزم مدینتمزه موافق اولان یرلری آلارق شکل مخصوص و قدیمزی محافظه ایدم .

(هم الرجال ، نحن الرجال) دیسه نلر شرقک دهاته علماسی

دکلیدر ؛ هر نه ایه کرک طالعمرک دوشکونلکندن ، کرک ناصل برمدن کرامته مالک اولدیغیمزی بیلمدیکمزدن ، نه دن اولورسه اولسون ، بوکونکی کون میدانده اولان تقیاصیریمزک اکالی چاره سنی آریوب بقیه موجودی محافظه ایتک ، بالعموم اخوانمک علوهتمته ترتبایدن وظائفک اعظمندندر .

دنیا ده مسلمانلق شرفی احرازاندلر ، یتیمینلر ، برنظر فکرت ایله مشغول تتبع اولورلرسه (ان لدین عندالله الاسلام) [۱] نص قرآنینک لدنیات شامله سندن فیض یاب کمال اولارق مسلمانلرک من . حیث التوارث ناصل بر جوهر کران قدره مالک اولدقلری اکلارلر . لفظ جلیل اسلام داخل دائره توحید اولانلره علم اولمش ایه ده بعدالتوحید اسلامیتدن منتظر اولان نتیجه ده (المسلم من سلم الناس من یده ولسانه) [۲] حدیث شریفک متضمن اولدینی معانی جلیله یی مادام الحیات رهبر حرکات ایلهمکدر . صلی الله علیه وسلم افندمز حضرتلری شو آیت جلیله ده مذکور اولان لفظ عالی (اسلام) ی بوصورتله تفسیر بیورمش اولیورلر .

برده (لاضرر ولاضرر فی الاسلام) [۳] حدیث طایلسندن او آیت جلیله نک معانی قدسیه سنی استفسار ایدرایسهک ، تحتندن امر معاملات و دیاناته بتون نوع بشرک دائره مفکره سنی تنویره کافی بر نور حکمتک لمعان ایتدیکنی کورورز . خیر الحلائق افندیمرک بو حدیث سامیسی حقوق عباد و صلاح سعادت حال بلادی زیر جناح حمایت و عنایتنه آلان وین البشر براخوت عمومیه تأسیسی اساسنه مستند بولونان شرع شریف مصدقوینک قواعد اصلیه سندن بری اولمشدر .

کذا (قل الله ثم استقم) [۴] دستور مختصرینک ساده لکی ایچنده مندیج اولان حکمت ، اویله بررأس المال فضیلت درکه حسن استعمالی حالنده بتون بی بشرک ظاهر و باطنی ، سعادت ، امنیت و تجارت رایحه سیله مالا مال ایدر .

دریا دریا معانی یی ، کتاب کتاب حقایق ، شو و جیز جمله لر درج ایله نورپاش مسامع اصحاب و احباب اولان اونبی امی افندیمز ، ضمه بره بشرده مستکن خصوصیه تقییشک غای ویا کوره نکه اتباعک نتیجه سی بولونان ، حب خرافات ، میل طواغیت کبی بی نوعمیزک رهزن اجتماع و سعادت اولان شیار علینیه انبیای سالفه نک اعصار مختلفه ده وحی آور اولدقلری صحف حقایق اجمال ایتمشده بز اختیارلری نائل سعادت سرمدیه ایدم جک اسبابک جمله سنی حاضر لای و یرمشدر . و ما یطق عن الهوی ان هو الاوحی یوحی . اتمی *

قران کریمه بیک آیت جلیله اخبار و قصصه یعنی تاریخه طأندر ، بیک آیت ده امثال و عبردن باحشدر ، احادیث نبویه ایه بونلردن باشقه در .

[۱] عندالله دین ، اسلامدر .

[۲] مسلم اودرکه التندن و دینندن ناس سالم اوله .

[۳] ضرر و مقابله بالضرر اسلامده یوقدر .

[۴] الله دی ، صوکرده مستقیم اول .

کنج وایشلمه مش دماغلر دائره ادراکاری خارجده قاره قاریش
شیلری تنظیم واحاطه ایده میه جک کردن استعداد و قدرت ذهنیه لر یله
متناسب اوله میان آغیر و متعب بریوک آلتنده محو اولق تهلکه سینه
معروض قالیرلر .

مکتب پروغراملرینک یکیدن تنظیمی ویا تعدیل واصلاحی
مسئله سی غایت مشکل وجداً دوشونیلیمکه لایق بر کیفیتدر :

متنوع فنونی ؛ آره لرنده کی مناسبات کوزهدیلک اوزره ؛ تنظیم
ایتمک ، صوکره هرفنک مباحثی اوفته وادفنی تدریس ایده جکمز
شا کردانه کوره ترتیب ایتمک ، شبهه یوق که واسع بروقوقه ، مدید
بر تجربه متوقفدر . یالکمز تک برشا کرد ایچون ترتیب ایذیلجک
درس جدولنک بیلنه نه قدر مشکل برایش اولدینی دوشونیلورسه ،
مختلف قابلیتده برسوری افراددن مرکب صنفله ، مختلف محیطلرده
یشایه جق شا کردلره تطبیق ایذیلک اوزره تنظیم اولنه جق پروغراملرک
اهمیت وکوجلکی کندیلکندن تظاهر ایدر . عینی برصنف شا کردانی
آره سندله پارلاق ذکاده طالب بولنه جفی کبی غبی چوجوقلرده موجود
اوله بیلور . پروغرام ذکیلره نظراً ترتیب ایذیلرسه استعدادی دون
اولان طلبه استفاده دن محروم براقیلمش اولور . عینی شا کردانه
کوره تنظیم ایذیلجک بر پروغرام ایسه مستعد افندیلرک استفاده
واحیاجلرینی تأمین ایده میه جکندن پروغراملرک بالجبوریه وسط
درجه ده ذکایه مالک اولان طلبه کوره ترتیب ایذیلر ضروریدر .
شو حالده استعدادی وسط درجه ده اولان شا کردانه نظراً یایله جق
پروغرامده هانکی بحثلری ابقا ، هانکیلرینی اخراج ویا تعدیل ایتمک
ایجاب ایده جکدر ؟

مواد تدریسیدن لزومی اولانلری نه ایله ، فائده سنر وزائد بولنانلری
نه صورتله تمیز و تفریق اولنه جقدر ؟

صورت مطلقه ده شو فن ویا شوبحث لازمدر ، دیکری زائددر ،
دیمک طبیعی دوغرو اوله من . بو خصوصک تعیینی (غایه) نک تعیینه
وابسته در . نک برچوحوغک مسلک آتینسی - استعدادینه کوره -
اولدن تعیین ایدرک درس پروغرامنی اوکا کوره ترتیب ایتمک بالنسبه
قولای برایشدر . فقط غایه لک برصنفک ، بلکه برنسلک آتینسی تعیین
جداً مشکل بر مسئله در . بردنبیره بوایشه کیریشمک پک بویوک بر
جراتکارلق اولور .

او قودیلجق شیلردن (لازم) ویا ده ا. دوغربسی (فائده لی)
اولانلرده مباحثک تعیینی نه قدر کوچ بر مسئله اولدینی په داغوزی ایله
اوغراشان ذوات پک کوزل تقدیر ایدرار .

ساحه حیاطده فائده بخش و لازم اوله جق شیلری کاملاً اوکرتمک
هیچ بر فرد نه نصیب اوله ماز ، چونکه بو امکان خارجنده در . دیمک که
پروغرام تنظیم اولنورکن لازمی اولانلری دکل ، الزم بولنان مباحثی
تحریری ایتمک ، اول باول پروغرامه بولنلری ادخال ایتمک اقتضا ایدیور .
یالکمز فائده لی مباحثی احتوا ایدرک الزم بولنانلری مهمل بر اقان

جناب پیغمبرک اخبار بیوردینی علوم یالکمز بولنرمی عائددر ؟
او قدر چوق که تعریف و بیان ممکن دکل : اتحاد و اتفاق ، امانت
وامنیت ، نکاح و طلاق ، ثروت و تجارت ، تدبیر و ترقی ، جهاد
ومحاربه ، حق و حقوق ، حلم و ثبات ، سیاحت ، طب و صحت ، علم
وعلماء ، عهد و وفا ، عیاده مرض ، قتل و قصاص ، معاونت و مشورت ،
محرمات و منہیات ، وقف و وصیت ، الخ کبی هر بری بقای جمعیت ،
دنیوی اخروی سعادت امر اهنده بردستور حکمت اولان بیکلرجه
ایات جلیله واحادیث شریفه موجوددر . ارتق بولنرک ، انسانلردن تعلیم
وتعلم نتیجه سی اولماسی امکان خارجیدر . مطلقاً خارق العاده و مافوق -
الطبیعه برحاله احتیاج درکاردر که اوده حق سبحانه وتعالی حضرتلرینک
عون و عنایتیدر ، باشقه چاره یوقدر .

ح . محمد شوکت

تنظیم پروغراملر

مکتب پروغراملرینک تنظیمنده نظر اعتباره

النه جق اساسلر

وطنک مقدرات مستقبله سنی دست اهتماملرینه تودیع ایده جکمز
کنج لک تعلیم و تربیه لرینی براساس قویمه استناد ایتدیره مدیکمز
تقدیرده صرف ایذیلجک امکملر بیوده یره هدر اولور کیدر .
یا کلش غایه لره ، اساسسنر اصوللره توفیقاً تربیه ایذیلجک نسل ،
بر عنصر نافع اولمقدن زیاده ، بر کتله مضره اوله بیلور .

مملکتک بو کونکی سفالت اجتماعیه سی طرز تربیه مزک مولودی
اولدینی انکار ایتمک ممکنیدر ؟

حیات آتیه یی امین ورصین اساسلره استناد ایتدیره بیلیمک ایچون
الاول نظر اعتنایه آلنه جق شی ، مکتب پروغراملرینک تنظیم و ترتیبی
خصوصی اولدیفنده تردد ایذیله من .

نسل آتینک تعلیم و تربیه سی ایچون ایلمک اول اوچ شی نظر
اعتباره آلملیدر :

۱ . - او قودیلجق موادک انتخابی ،

۲ . - تدریساتک زمانه ، فنلر آره سندله کی مناسباته ، شا کردانک
سنلرینه کوره ترتیب و تنظیمی ،

۳ . - طلبه یی - استعدادلرینه کوره - برویا برقاچ فنده متخصص
یایه بیلجک بر اصولک وضع و تطبیق .

په داغوزینک روحنی تشکیل ایدن شو اوچ مهم مسئله نک حل
پروغرام تنظیمله نتیجه لیر . تدریساتک اس اساسی پروغرامدر .
پروغراملر منتظم و معین بر غایه متوجه اولزلر ، شا کردانک قدرت
دماغیه وقابلیت ادراکیه لر یله متناسب بولونمز لسه فائده یرینه بویوک
بویوک مضرتلر تولید ایده بیلیرلر .